

沈乃文 主編

明別集叢刊 第四輯

第十一冊

黃山書社





國家出版基金項目  
NATIONAL PUBLICATION FOUNDATION

「十二五」國家重點圖書出版規劃項目  
2011—2020年國家古籍整理出版規劃重點項目

沈乃文 主編

明別集叢刊 第四輯

第十一冊

黃山書社



(明)李維楨 著

大泌山房集一百三  
十四卷目錄二卷

明萬曆刻本



大泌山房集卷之一百三

京山李維楨本寧著

都察院右副都御史張公墓表

隆慶戊辰南宮進士四百人而行年二十有二者六人  
鄉國材陳汝新聶子實華起龍張澤民與余也華主客  
早卒陳觀察次之澤民最少官最達吾黨愧不如迺澤  
民四十有七而歸田五十有三而卽世矣惜哉澤民少  
年明秀視瞻非常而淹雅有器量不可狎近壯而軀幹  
豐偉美鬚髯薦紳中目屬之臨川俗纖儉習事訟獄滋  
繁澤民嘗所暫逢經久不忘一日內刺聞取外事分判

大泌山房集

卷之一百三

墓表

隆

前後相續畧無擁滯鋒稜肅然而時施不測恩人莫窺  
其際主計者初創條編法衆或疑駭從容劑量務得其  
平不數月令行如流水其於力子經卹特至流亡還歸  
荒蕪辟易姦盜屏息商賈野次士之仁者大夫之賢者  
必加禮焉絃誦揖讓翕然有先進風三年奉徵書以母  
喪歸服除謁選人年未三十例不得臺省大司馬譚襄  
毅公宜黃人於臨川爲隣稔知其賢請得爲其曹郎遂  
除主武選事而特設本科使居之一切章奏上下編研  
明審爲六曹郎冠會念其太公以頒武臣誥出使還依  
依子舍不忍去太公趣還朝補吏部考功郎先是譚襄

毅薦爲吏部有尼之者不果久之論定乃得授屬以星  
變察朝臣諸直言敢諫者率傳致其中澤民所擁護爲  
多已遭父喪服除遷稽勲員外郎已遷驗封郎中復請  
告再踰年除故官更調考功文選每入署薰沐告天杜  
絕私門倖竇而其要在錄忠直懲貪黷振淹滯汰浮冗  
斗食以下小官地有善惡奉有贏詘吏往往高下手索  
賄澤民察年力量才器小大繁簡適宜又度道里遠近  
不至費僦賃以資沓墨者口實中外稱之是時澤民登  
第二十年爲吏部十三年望實爲最擢太常少卿尋擢  
右通政已擢光祿卿條疏積弊十餘事著爲令已擢太

大泌山房集

卷之一百三

墓表

隆

常卿再疏請蚤建儲以定國本已擢右副都御史撫閩  
而島夷蹂躪我與國朝鮮江海諸藩戒嚴則簡將肄卒  
治器儲餉更增舟師防要害而裁幕府之濫費覈寺田  
之影賴檢商稅之侵牟清庫金之蠹耗凡若干以佐軍  
興民不苦加賦大司馬以征倭調閩樓船卒汎海赴天  
津澤民言不便請以八千金爲資令匠師就天津造舟  
上從之而或誣爲江陵私人朝衆心知其不然重違言  
者請解任歸里以需後用報至有欣色以爲助勦戎旅  
不若栖遲丘園之適也所築山房饒美竹顏之曰萬玉  
四壁列圖史日詠嘯其中客來焚香鼓琴已揮塵談名

理已命酒酒酣以往揚挖古今人物霏霏不絕語及世情則酌太白而謝之澤民故山東汶上開河里人張林仲子也五世祖浩禮浩禮生勝勝生珊瑚生林江陵司公督運往來開河間與林游甚歡見澤民奇其相使屬對受命如響而澤民已喪母遂乞爲子令羅宜人字之澤民居恒避人流涕以爲不獲報所生而司公夫婦凡兩受貤封三年之喪畢奉使過開河里行求宗黨得一人則其叔父宗魯相持而泣考問家世乃奏復故姓沒之日援筆爲書以授諸子曰開府非卑僚半百亦長世惟生我之劬勞吾慚負于天地君子以爲其不忘親也

大泌山房集

卷之一百三

墓表

三

隆

蓋所遇深有足悲者焉所著天官郎草填闕疏抄北游稿若干卷其文學政事亦可槩見已諸子疏聞於朝大田子祭大司空治葬鄉二三鴻儒名卿爲狀爲墓誌道銘而使余爲表墓域余辱澤民衿契深不得以辭其所最不平者今天下以江陵相公爲談柄門吏諱言之抑何甚也始澤民謁選人相公初當國責以同里引嫌而忌者乘隙中之謂劉侍御疏出里人口語然卒用澤民澤民亦不欲相負時時自遠其爲郎中稍得行志則江陵沒已六七年而名之私人是尚不識相公何如人安識澤民哉善乎曾宗伯之言曰江陵

相不欲使用者不才才者不用有才如公能終抑而置之耶傳太常謂江陵毅然欲振天下之衰而登之上理細人側目公獨以恬澹免知人哉澤民與相公皆寒魄余故表而出之非諛墓語也

通政使司右通政徐公墓表

三衢納言徐公沒之六年余承乏領越憲事仲子日乾以伯子日嚴所爲狀屬余表墓余諾具草會迫入計無狀坐謫尋遭母喪歸無所得郵致今年故人魯君子入晉書子書來督前諾則草藏家笥中更按狀爲之表曰公名一櫝字汝材別號賓梧宋淳熙間始祖大興爲衢

大泌山房集

卷之一百三

墓表

四

隆

守子成忠尉常山爲常山人子百一以明經任史館改評事子千五登進士再傳逢吉以材幹舉掌寶鈔局事贅西安王尉家卜居西河爲西安人子忠三舉明經爲教諭子延九教授嚴州三傳爲宣義郎勢遠勢遠子珍珍子雄甫雄甫子湘爲邑諸生生公以公再受封吏部郎娶葉紀善良玉女封安人公生王父奇其骨相必大吾門母讀書曉大義日口授之輒悟稍長就外傳所習什伯羣兒受戴氏禮父以爲強記難不若周易簡公私讀禮一再過不忘已師方伯余先生國賓盡得其指北海馮公爲督學擢第一時猶治易也而後遂以禮專門

名家自方伯外所友徐侍御任道余參藩懋中最高契  
合聞勾餘有爲蘭江人師者負笈從之其人一見公屈  
服而公受室鄭安人婦翁類外黃富人公殊不屑意卽  
婦生女未嘗歸視丁卯舉於鄉明年成進士衢人踵公  
習禮者斌斌矣大學士殷文莊公故以禮登第名數正  
與公同笑謂公請授吾衣鉢公遜謝屬有霜露疾予告  
局戶謝賓客日討論國家典章律令三年赴廷試除寧  
國尹奉父母就養輿馬器用及諸供億不煩里旅猾吏  
欺公易與公摘其伏若干事三十餘人抵罪衆皆竦息  
兄弟爭訟譬說骨肉至情泣下相讓而去所斷獄明察

大泌山房集

卷之一百三

墓表

五

陸

如神或累月郡不見邑訟牒已清戶口田賦手校籍得  
通賦田若干畝逃亡若干丁暇集鄉三老申

高皇帝六諭以化導其子弟邑廳事不蔽風雨不欲改  
作民胥言故所募興梁之羨饒爲之令下徃役者子來  
匝月而落成爲文記之猶以未信而勞自訟也才任  
劇調丹徒士民走中丞蜀張公所言寧國不可無公者  
五號泣不起張公乃屬公留三月爲定賦籍而後代寧  
國人傾邑遮道舟不得發夜潛解纜去而伐石頌德爲  
祠生事之是秋應天大比士公校禮經得七人主司又  
命公搜諸經之遺者丹徒附郭當孔道租庸百倍寧國

大泌山房集

卷之一百三

墓表

六

陸

公戴星出入饑不遑食夜不遑寐病矣歲旱禱雨立應  
海風挾潮決江岸田廬割俸稍築堤捍之已修學宮擇  
郡邑庠士秀者養而教之士咸奮進取觀察吳之望李  
一陽其最知名者也張氏子爲怨家所誣諸違例事法  
當籍蓋臺使阿邑政府檄劾郡逮之公力白冤狀得無  
治一日出遭毆死人于途者訊之自服誠不忍于詩小  
忿揮拳格之不謂輒死幸明府目擊就死無憾公得情  
而矜傳生比三年報政封父如其官母孺人而均田之  
議起履畝括地不爽尺寸邑田有官有民有山有沙論  
謠則官輕於民論賦則民重於官論地則山瘠於沙而  
山之賦倍沙於是以官賦均之民以民役均之官以山  
田二畝視沙一畝又以丹徒濱江阻山較隣邑丹陽金  
壇地爲下而徭賦加三之一宜合三邑均其規式上書  
諸臺談之垂涕鄰邑多要路人見格而第豁丹徒運米  
三千餘石歲省二千金民入租金投匭中無纖毫羨贖  
鍰不以入橐治行爲三吳冠擢吏部稽勲主事所脫張  
氏子筭文錦爲餽公笑而却之是謂我欲取故予也丹  
徒人生祠之北固山中以王父母喪畢事而後如京已  
調驗封考功尋移病歸掩關讀書與初成進士時同病  
力猶屬其子誦而聽之諸臺使郡邑吏謁不通守同榜

陳公淵令門人李公一陽迫而見之亦不報謁久之不欲北父趣行單車往而有後公至者得先除幾一歲始除故官久之調文選諸後公者越次爲郎中矣值

皇太子生封父如其官母安人明年迎父母就養稍遷稽勲員外郎頃之調驗封尋進郎中海豐楊公爲冢宰倚重公疏草率出公手次應移考功以讓同掾晉李公同舍嘉其義李公遷公爲考功當大計固辭楊公不可非君莫辦此持大體不毛舉細故而於善類多所保全比部張郎故爲御史歷詆公卿公卿嫉之大司寇以爲當罷公爭之強少宗伯張公謂公居恒恂恂臨事威武

大泌山房集

卷之一百三

墓表

七

隆

不能奪也已調文選選擇一秉至公廣文若諸小吏酌地里遠近俾得攜家口以行有兩御史爲執政臺長所親信而意見殊左先是主選者兩補外以平之而歸過同舍郎呂公公知呂端人卒不勝呂坐補外公恒自訟由此與當途益抵牾有求吏部郎者拒之憾而造謗又嘗却同榜苗僉事淳然餽已苗遷行太僕卿露章劾公公已遷太常疏辯事下部院覆疏有兩地去思七年不調語蓋實錄也苗除籍爲民公領職如故奉使德藩登太山夜半望日出而下將母南還聞父病輿疾冒暑歸至則父病良已而公又病矣澍苦饑條上便宜數事民

大泌山房集

卷之一百三

墓表

八

隆

饑而不害明年卽家拜右通政稱病不出城南別墅臨濠爲濠上亭種竹秣蔬岸植桃柳與所善友生日觴詠其中客諷之仕公曰父母俱存兄弟無故雖王天下樂不存焉吾復何求且吾年甫四十備位九列不可謂不榮權勢不尤則夸者悲錢財不積則貪者憂我夸貪也與哉客語塞父母愛少子爲輸貲入太學太學依倚聲勢豪里中公以默止謹不欲傷父母心太學好生分盡以上世所遺與之而更割其俸之半有燕會太學不至不就席父或詬責其子爲長跪請罪命之起然後起母七十而病痿延醫禱祠代爲手足燕居溽暑不廢衣冠見子弟肅然有不善時予杖配鄭安人外無姬侍相對儼如也食執粗而不臧爲好生戒殺書貽親友有盛饌蹙額不舉諸子衣布衣旣爲博士弟子始製一縑巾履小奇褻褻而笥之族未有祠請於父以二百金爲族人先祠成麗甲三衢歲時饗祀合族慶弔休戚相通又以百金置田祀高祖而助族之婚葬孤嫠若罪不能贖者佳子弟爲里塾延師課業壻父鄭孝廉卒京師爲調棺殮產落處其子別室而教之婿友人之子掩里人之齒治病賑饑不可勝計朝議重公推太僕卿以公副而憾者尼之明年內察拾遺報罷公色喜是成吾初志體故

漚其冬母卒哭之哀毀滋甚殯之先一日強起爲文以

祖臨棺長號失聲幾絕而蘇自知不可諱索筆題句云

百年猶一瞬大塊亦無常人生皆夢幻何必論彭殤人

世光陰促仙家歲月長而今塵夢覺歸彼白雲鄉題畢

檢笥中數十金付諸子爲喪費生平詩文不輯草惟園

居雜詠司銓題藁藏於家公生嘉靖乙巳十月二十有

五日卒萬曆乙未十有一月二十有七日年五十有一

配鄭安人七子長日嚴太學生娶太醫院吏目楊仲光

女次日乾邑諸生娶鄭太僕有年女次日寅蚤卒次日

觀太學生娶經歷祝懋官女次日益娶葉次日升娶王

次完名殤二女長適鄭太僕大經孫邑諸生廷輔次適

屠參藩思謙子邑諸生從凍孫男八應麒應麟應蛟應

日嚴出應鼎應豫日乾出應鶚日觀出應仕日升出

二圭字陸參藩璣之孫某蘭字郡庠生葉其泰子

曆丙申十月十有三日葬大洲太山尖下余同榜

友部郎者浙有二人公與縉雲鄭邦章邦章持正而

公柄國權不旁落得申其志公掌銓吳縣與楊太宰

多通故公不見德而或召怨比事久論定公不待矣其

居家孝友三衢人迄今稱之公父猶在每自歎吾伯子

愛弟以德吾愛諸子以姑息負負無可言者公子多賢

天將啓之表所以志也

河南布政使司右布政使栗公墓表

栗右丞卒之三年余上計見其子孝廉儲棟則君已葬

墓有銘矣又六年余起家入秦孝廉謁余以表墓請余

同公登第同朝可五年後守隴右則公邑在部中嘗過

公廳事僅容旋馬民隱邊計扣之響應度異日可爲縣

官備緩急當艱大而遽已矣惜哉公舉進士除中書舍

人選授吏科給事中與侍御史吳道明同視禁城會

穆宗御門卒顛胸下堂走羣臣傾駭既入內不欲洩啓

居耗中外相戒公行夜不稅衣冠而處者盡一月高文

襄以首揆攝冢宰威權震主臺省趨和承意緣虜警增

少司馬二人公抗疏言一士之賢勝百萬師官不必備

唯其人假備官而植私黨非國之福也故事都御史出

撫率由方面敷歷久謀必素見成事焉而後履之今一

切用九列臣入仕幾何時儼然領節鉞之重不厭衆心

請敕銓曹慎簡擢毋長躁競風蓋文襄諸門人布滿臺

省自乙丑至壬申方八年卽爲納言廷尉且覬覦要津

以田千秋一言拜相荀爽九十五日三公爲解見公疏

擲几下豎儒何知而斷斷若是公不安其位矣大司馬

議徵秦晉諸邊戍卒悉戍薊門漕司議轉餉煩費不若

稍昂其直徵金公皆疏折之時公已遷戶科右給事中奉使肅藩文襄乘其出因外補山東僉事肅王勞饗贈餞可千金財受一研而已事竟之山東備兵沂州沂費剗滕諸邑中水蕪穢不治民苦養馬一馬百金半入猾吏橐具白兩臺以市馬金輸問寺便因著爲令無何遭母喪歸除服仍故官除山東則文襄業已前敗將大用公副推光祿少卿尋遷湖廣叅議無何遭父喪歸除服仍故官除山西分部河東治蒲蒲濱河河岸善崩波惡陵溢阜陸隄繇不息爲計億事材藉田以力任力以夫成堅隄二十里而遠蒲人張文毅伐石作公考尋遷按

大泌山房集

卷之一百三

墓表

一

隆

察副使仍巡河東河東比不稔于歲困鹿空虛室家相棄人或相噉公修荒政焦勞省瘦民更生視他路爲最議獄緩死多所解宥以任劇遷山東叅政備兵遼海用廉直御諸將吏懷挾嬰壤不敢望塵垢而與士卒振粟同食遠斥候庀武守信賞必罰虜寇東寧副將祖承訓禦之公操桴鼓先厲士朋勢誅其甲首十七人上功晉爵一級三年報政遷右布政使領職如故西虜火真二酋並暴甘肅邊遽發奔命書三至詔命九卿臺省舉任邊事者皆以公名奏復副山西撫臣之推而都給事中侯公大閱邊疏公勞績賜金一鎰食一品祿勅須開府

亟用鄉人侍御史按遼者沾沾自喜多易公不爲徇苛求細故摘公左遷叅政分部山西之冀寧尋遷按察使備兵陽和再遷河南右布政使而以拮据兵荒勞瘁積痼遂不得瘳上書乞長休告冢宰疏公批患折難社稷之衛需疾小間所司以聞有後命居頃之卒矣其忠謹才諳載省垣疏草九邊方略中要之不盡施也山陰王文端爲文弔曰清修隕命潔惡膺仕天有知乎無知乎蓋深憾夫彼已之子心害其能云公名在庭字應鳳生嘉靖戊戌十有一月二日卒萬曆戊戌九月二十有九日年六十有一上世居上黨國初舉孝廉官吏部尚書

大泌山房集

卷之一百三

墓表

十二

隆

曰恕其孫剛中賈張掖因家鞏昌之會寧縣王父仲堅父堂俱以公貴贈山東右叅政王母范母趙俱太淑人配張繼范俱淑人伯子卽儲棟萬曆戊子舉于鄉仲子叔偉季子似棟子女婚嫁氏族及先世系詳林宗伯志與孝廉狀中三秦偕余舉進士者十有四人公與上郡張丕揚負奇偉倣儻之畫策大氏相當軍伐有賞能其官有賞推轂畫熊車者數矣遽病遽起卒以右丞終年亦略同丕揚晉太僕卿致仕遺孤大者甫齠余過其墓讀其表不稱太僕人語之故丕揚不爲中丞介介獨是耳公有子善則稱親親沒而不朽視生得中丞孰多太

僕無論已

四川按察司副使張公墓表

余舉童子第立庵先生以黃州守有事棘闈望見之貌  
癯神王自是風塵表物又十年由史官出部隴右先生  
已里居造廬而請凝重不妄發言三輔大人典刑故在  
所居衡門環堵僅蔽風雨低徊久之不能去檄有司表  
其間每過必式後三十年孫民部郎來謁知先生卒久  
矣問其志狀則述先生之言曰世人生但識幾字死卽  
有一部遺文生但餘幾錢死卽有一片志文吾恥之否  
德不足辱明公筆自題姓名官位家世歲月紀諸石爾

大泌山房集

卷之一百三

墓表

十三

蓋先達有行之者子孫必遵吾言不則爲不孝所著述  
率焚草草任散佚戒勿集以故無得而稱焉又八年民  
部司權潯陽與其父繹思曰我輩有今日惟祖德是賴  
不能紀述詔後人久將泯泯何取子孫爲雖遺訓在亦  
各行其志也詮次先生行實大略屬余表墓門之隧先  
生父長山公以明經貢未仕卒母南太宜人舉五丈夫  
子先生爲仲名嘉孚字以貞兒時瞻矚進退儼若成人  
惟溺苦于學從父受經諷誦研索忘寢食遂致病脾父  
數休之使出嬉遊先生晝細書夜以誦藏燈展視默識  
莫不閑了屬文典裁清拔十四爲諸生冠有廩食矣詔

簡諸生貢太學先生年十六應選固遜其次已者孫生

學使謝公召南歎曰張生器識大受遠到者也爲具幣

師平涼中丞趙公時春日聞所未聞文益宏肆奇警弱

冠舉鄉試第七人初先生與父皆以廩資俯仰旣偕計

吏父復克貢日就窘矣簞食瓢飲不願乎外非公事不

入邑丐居間者面輒赤人終不敢言丁未登進士十三

人除長治令邑有貢細三千六百以其式饋令數亦如

之却不受仍勒石斷後歲役富民堯庫一切倚辦六千

餘金無不毀家悉罷不用取諸金矢之羨遠行置頓夜

行秉炬皆自給庭無黠吏野無追胥獄無冤結肆無攫

大泌山房集

卷之一百三

墓表

十四

貨輿誦大作已飭學宮集諸生講說評校學義堅明有  
區段次第故事明經予資斧財五金疲于稱貸先生曰  
國家羅士顧以治裝病之乎除樵酤六千家家出一分  
爲助至今因之潞國宗人陵折間井繩以三尺挾貴作  
色終不而從其祿則里正所入應手給之不爽錙銖不  
踰時日宗人始患先生嚴卒乃悅服諸臺特薦賢令第  
一五年徵備臺省長治人携老扶幼羅列遮留不得爲  
生祠事之望遺像而垂涕有事乞靈今猶昔也分宜鬻  
爵無一縑相遺僅擢河南郡丞伊庶人橫甚獨嚴憚先  
生勅其下無敢犯諸所爲察吏治恤民隱大小畢舉吏

民知有丞不知有守爲祠生事焉河南賢守不絕書丞有同自先生始中州盜起延劫趙魏齊魯諸郡檄先生討捕功有緒而聞父喪號痛悶絕中夜匍匐亟歸先是主者掩敗爲功先生無所阿邑遂以離軍次不待命爲口實沒其績不敘居喪用朱紫陽家禮日惟食一升麥屑粥服除又三年無仕進意母泣而語之曰若父積學不服一官以待若若宦八年譽命不及親何以瞑死者目乃謁選人當坐過期律輸作上書自理銓曹言張某廉靜著聲喪父哀毀膺疾以至稽慢宜特貰爲臣子勸上報可復除重慶蜀方困采木先生經畫宜民民力不

大泌山房集

卷之一百三

墓表

十五

詔中丞黃公御下如東濕薪獨稱重慶張丞公侯干城也澤府豪並攝縣篆吏民懷之如河南擢南京戶部郎學六月結竟諸艱鉅盤錯而後行郎所司錢穀會計明審左右莫能爲奸以餉軍秋毫無損輸者受者喜色相告也三歲考最贈父如官母封太宜人尋擢知貴州黃州于楚十五郡號難治治以廉平爲本郡倅汝劉公容清與先生等黃人稱二清耿恭簡劉端簡筆之書郡運南京熟糧一石而費五卒亦不食也先生爲郎時知狀文用生米代後遵用之爲永久利以母喪歸面顏憔悴見者惻然庫羨金萬封識蒙塵服除除郎陽政一如

黃郎中丞臺治焉所需兵餉金椀累萬貯府久失其籍中丞臺不省記也郡守因以共私費先生籍之然不上聞既擢四川副憲而都人曹公子貞來代以白中丞孫公應鰲孫公兩賢之祀先生名宦其文曰氣勁心和法嚴政惠兩造訊民戶頌春風之筆四知謝客門無暮夜之金官弗怠于宦成民愈思于去後云在蜀備兵建昌戒諸將校不得以筐篚入行馬墨吏望風解綬去旌旗壁壘一新而意倦遊矣乞骸章七上

大泌山房集

卷之一百三

墓表

一六

上從之蓋異數也所司以三百金贖辭復追至先生家標諸大門之外爲郡時同榜二人在政府入計不發幣寒拒數語長揖而退里居非祭先不御繡衣邑大夫歲一見而已晨不沐晡不飯而終日不去書晚好易事多先覺秘不語人常曰不須名位不用身後之譽袁緩是吾師也署其庭云四十餘年策名却悔紅塵浪度七旬暮齒學易幾能黃髮無愆暇則延致老友酒數行膳一殺談道論文絕不及時事床施籬除屏風布被莞席暑無蓋車無帷田畝無式廓子孫褐寬博掩脰加冠方具禮服猶日防其侈諄諄不已也生正德丙子四月十有

八日卒萬曆甲午十月二十有二日年七十有九葬南山祖塋之次南宜人附子五人女三人孫男八人孫女五人曾孫三人元配南宜人生哀舉鄉試第二人展庠生授儒官繼室王宜人生裏同知興國州事副室稍孺人生衷廩膳生宸庠生女二適曹憲使孫貢士任二適栗方伯子夏津縣尹儲棟三適楊荊州幕子庠生挺哀娶于曹生庠生國經婦高氏國維婦安氏展娶于王生庠生國綬婦曹氏國紳即民部庚戌進士婦石氏國綺生婦効氏國紘廩生娶稍氏裏娶于某今以綺爲後宸娶于李生國經國統孫女爲庠生某婦曾孫某某幼

大泌山房集

卷之一百三

墓表

十七

隆

未聘先生誌所未具故詳之余讀張茂先鷦鷯賦其居易容其求易給巢林不過一枝每食不過數粒又曰不懷寶以賈害不飾表以招累靜守約而不矜動因循而簡易任自然以爲資無誘慕于世僞可謂見道之言卒不免遭禍蓋戀位殉名不能自割雖苟知之非允蹈之也先生抗強宗藐權相官駸駸顯棄如脫屣不以節名芥視萬金貴且食貧不以清名修軍實驅劇盜振綱肅紀嗟枯潤涸不以才名自里選上公車冠倫魁能泛濫學海薪樵菽苑不以文名薦紳中幾無舉先生姓字者躬行君子求諸今日天下鮮矣余欽先生德範如師資

禮因其家司空相方便論世公者有考焉

### 福建按察司副使蔣公墓表

已丑春不佞北上寄徑邯鄲時郡守蔣公入計計最擢福建按察司副使以去邯鄲人依依相慕也將俎豆公賢人之間問守治狀其大者在勸農桑收介特省徵發衰次丁口息耗無所容詐激河浚渠往往股引取之時其鍾洩而田盡治歲薦饑出舍於郊發粟爲糜食餓者已益儲義倉粟民不負販而給修什伍嚴警跡無得保舍納藏桴鼓不鳴大猾持官府短長造蜚語中人及諸博徒少年惡子罪如率屏之遠方終身不齒而羣諸高

大泌山房集

卷之一百三

墓表

十八

隆

第博士弟子如千人授室當國中時臨校之與商推經史大義靡不快耳會心不佞固異之自與公同舉進士二十年來僅一再見不省記其面貌若何而治行如是其夏有大梁之役每行部廉察吏治謂漢重太守不輕除其最者至拜列侯故治最近古今安得若公等夾河而守爲守若公僅就常調擢一副使而尋歸休如物情何不謂公厭人間世矣再踰年公介弟孝昌令狀公生平行實使使以表墓請不佞恨知公晚寧渠復負身後耶按狀公父世卿贈廣平知府母朱贈恭人朱恭人有身感異夢生公甫三歲能識百字十歲屬文意密而理

新贈公居師塾門徒著錄者衆讀公文皆遜服微獨師其父卽郎君吾師也十五歲喪朱恭人哭泣無時甚哀輟涕卽游思竹素六藝百家之言手自排纂文益閎肆世所行執圃球瑯是也尋爲邑諸生久之不第乃與孝昌公招延同志若蕭觀察錢侍御五六曹結精廬七檜山中學益勤篤遂以隆慶丁卯同孝昌登賢能書明年成進士拜閩長樂令長樂濱海而饒征求無藝公首汰供億浮冗者闢市譏而不征兩造鴈鴛進徐出片言折之輒頓首服寬金矢之罰民大悅匹夫匹婦得詣公庭自理簡高年孝弟力田者爲鄉三老執木鐸以徇其率

大泌山房集

卷之一百二

墓表

十九

隆

教與否具以狀對加賞罰焉民病涉爲治輿梁民苦主租吏乾沒爲旌邑門有高下手以旌告都養學士之秀者廩餼有加跡射圃故地拓飾而肄習之鄰國爭就公質成所平反及他善政不可枚數去而民肖像祠之於今不廢三載考績爲閩令冠爲當路所忌稍遷留京刑部郎人億公必缺望公曰以吾困諸生時較之郎奚若爲郎數年所平反如今大璫詐爲旨選江北女充後庭迫脅民財獄久不決公至議始定璫有勢力請託多貴人卒不能奪也司寇餘姚趙公署蔣郎考上上而贈公里居病勅左右秘不使公知公微得其狀白趙公卽日

解組歸歸猶得與贈公訣也其哀毀一如朱恭人日夜與形家卜地厝之服除除刑部雲南司司所隸京師諸曹獄簿領填委公治作不休所平反復多如南中以病歸病已仍故官得四川司所平反如初有尚書子同金吾緹騎飲妓館中中酒手刃緹騎所請託名貴人如璫亦不能奪也爲郎後先凡十三年出守廣平五年稍遷今官未之任以病免遂卒公世曹高華晉咸康中有佐伐吳功者曰充秀食采常熟自元忠州判九一家邑城南曾王父岳爲汝州守皆有政蹟公實肖之事繼母湯恭人如母湯恭人有子事業任所取以私祿營葬贈公

大泌山房集

卷之一百三

墓表

二十

隆

諸弟無與公沒湯恭人爲哭什地也始舉進士上書言曾大母季貞節詔旌其門族有斬朱恭人丘木者公猶弗持挺逐之手植梧櫨今可材矣娶周恭人恭人母盛孺人以公早失母愛公特甚公亦母事盛且推及其支屬焉不佞觀漢守令稱循吏者代不數人爲令者不必優守爲守者不必爲令公守令俱有善政生不逢時如漢封侯下璽書賜金褒異然而東有閩北有趙世蒸嘗所得孰與諸君子多不佞以輿誦知公故特詳公守令事其本在孝弟其琢磨在問學如此云孝昌治行不愧長樂又能以公不朽難爲弟矣公名以忠伯孝其字

別號貞菴生嘉靖癸巳冬十有二月二日卒萬曆己丑冬十月二十有三日年五十有七葬以萬曆某年某月日墓在虞山北麓配周恭人有婦德男子二人長國瑜次國珙文行禪其家女三人孫女二人嫁聘皆名族其遺文有清權山人集續皇明盛事述毛詩大指若干卷

四川按察司副使王公墓表

公名汝魯字希曾別號確齋世南陽人也高祖覺成曾祖本高皆以祖鴻儒贈吏部右侍郎鴻儒者是爲南京吏部尚書文莊公中州名臣也長子可以光祿署丞通判池州府事贈真定府同知是爲公父娶於李繼魯俱

大泌山房集

卷之一百三

墓表

三

隆

贈宜人魯宜人寔生公爲中子生有異質日誦數千言父手書世德家訓以貽之曰無念爾祖聿修厥德公拜受教父卒張所貽書於堂每讀則涕洟瀾下經術明通弱冠補郡諸生以尚書領嘉靖乙卯鄉薦隆慶戊辰成進士名在二甲當拜六曹尚書郎宗人與唐邸有連乞外除或言是誰知者公謝曰吾方委質爲臣敢自欺耶除守嘉定州州人好訟訟所連引入或踰百仟身毀家不止公禁兩造不得過十人非是者不受受者立訊罷遣嘗數十百輩不責贖仕族田連阡陌自詭家宜復諸富民附蔭率以收事苦諸田傭若小民數負其課公譬

大泌山房集

卷之一百三

墓表

三

隆

曉以律令案比戶口賦不逋而蘇此兩事嘉人迄今誦說之州領六邑體如大府公與諸邑令約歲時餼牽苞篚母及桂栢之外比入覲邑令覘公橐垂無以治裝發幣餽金三十鎰公曰吾不欲餉人寧受人餉是歲計吏集京師千數其不餉人者公輩兩三人耳蜀諸臺察廉公褒然州大夫舉首如此者五復以宗正條稍擢同知瑞州府事數月以母喪歸服除除真定府其治如嘉定時奉檄閱兵遼左所至薪水糒醪或豚肩匹雛而已宴勞絕無所赴環瑱之饋遂巡走卻其大將甚貴倨獨嚴事公是夫懷冰暑月猶有霜氣者耶發摘軍吏姦利及等畫治兵禦虜便宜甚詳居四載褒然郡丞舉首者十有五擢知平陽府平陽晉沃土而田賦不均貴客右族有弘農不可問之風公治亦如嘉定時平陽人呼之青天所領雄州豪邑三十而羸簿領山積移時若掃暇卽延進諸生談道講藝諸學官圯陋更新之文教大興三年褒然郡守舉首者七擢山西按察司副使部平陽如故平陽人歌舞于途故比肩爲郡者手板庭下不無少望而公亦有霜露之疾乃移蜀平陽人泣留之不得蜀所治達州達故名通元微之所謂海內悽惶地也漏天吠日伏陰沈氣善中人公脾疾大作上疏乞歸歸數月

卒其歲爲萬曆甲申八月十有四日距生嘉靖癸未五月一日年六十有二公孝弟性成幼遭父喪雞骨支牀事母盡物備順夜歸母寢立門外候覺告云兒已歸方返其室在嘉州母不樂聞筆楚聲遂一切從寬政居母喪苦由總帷側三年不入內昆弟分財讓取劣者伯氏以結客負責悉損其產代之歷六政俸稍所入與昆弟共遇鄉人無貴賤無少長無敢慢里居非公事不謁官府南陽令程遜有所攝逮密叩公再三卒不答程歎曰王先生真長者終身無聲伎之好宦遊襟衣篋書路人歎息薄田供饘粥闔廬蔽風雨皆先世之遺也里閭浮

大泌山房集

卷之一百三

墓表

二十三

隆

號無敖之士望公來爭避匿有犯懼爲公所知卒之日鄉人無不隕涕墓在某所二子長應佑國子生次應修以茂才異等學使者超而貢之肆力於文章聲藉甚而貧不聊生活又慟失父早嘉言善行多所遺忘屬余表其大略余別公垂三十年憶公長大美鬚髯面幾無見膚度名位必且儼文莊乃竟止斯耶應修貌肖公而差短狀言公事親如汝叔異居鄉如陳太丘當官如尹子光第五伯魚有美而稱言非誣矣

四川按察司副使李公墓表

余入隴西則頴李公已自關南移山東治膠河推聞公

文學政事才兼人垂三十年行部過頴會公已病造其廬見而憐盡忘吾度也又八年卒子應麟兄弟將葬公而以郡人張叅知所爲傳錫山孫少宰所爲志屬余表墓公名學禮字立甫先世蓬萊人有軍功爲千戶長至伯達坐事失官至柔兆徙鹿邑中河患至桂攜其子宣家頴長官里宜生玉營冢舍樹宰木而勒之石吾世積德後有興者令無忘所自玉生公父臣以公貴贈戶部主事慷慨好施子夢神賜雙玉環遂生公早慧強記螭髻學成而父病請以身代卒不起泣血不絕聲母張安人憂之地下人所望兒者何乃強起而安人持家政勿煩公公學益勤已爲諸生舉京兆試又三年成進士除南京戶部主事有筦庫之役筦庫郎身自潤脂膏而府史貨緣爲盜公一切無所取又善算發前後守藏盜三萬金諸郎以墨坐者五人復總覈諸倉視庫益多蠹銖兩之姦悉知之慎出納汰浮淫政爲一清久之出守處州屬邑上賦有羨金斥還之向後賦取羨以簠簋不飾論而悉收其衡量平之賦應上京師若藩省者不入府畀空文而已諸舞文盤互府諸曹掾或累世稽故案以千百計一旦屏逐而結竟之吏或竊藏金爲子錢民或附陰巨室避淫賦及威折閭里者若丁張數輩置之理

大泌山房集

卷之一百三

墓表

二十四

隆